



Regione Autònoma de Sardigna
Ufitziu de Gabinetu de sa
Presidèntzia Prot. de su 13/03/2020
nr. 0002747/OrdP/7
Classifica XV.12.2_1

REGIONE AUTÒNOMA DE SARDIGNA
REGIONE AUTONOMA DELLA SARDEGNA

PRSIDENZA
PRESIDÈNTZIA

SU PRESIDENTE

Prot. n.2747

Ordinàntzia n.7 de su 13 de martzu 2020

Chistione: Cuncursu de s'Agentzia forestale de sa Regione pro s'isvilupu de su territòriu e de s'ambiente de sa Sardigna (Forestas) a s'atuatzione de sas misuras istraordinàrias e urgentes pro prevènnere e pro gestire s'emergèntzia de sa maladia COVID-2019 in totu su territòriu regionale de sa Sardigna. Ordinàntzia in cunforma a s'art. 32, comma 3, de sa lege de su 23 de su mese de Nadale de su 1978, n. 833 chi pertocat s'igiene e sa sanidade publica.

SU PRESIDENTE

- BIDU s'art. 32 de sa Costituzione;
- BIDU s'Istatutu Ispetziale de Sardigna e sas normas de atuatzione;
- BIDA sa lege regionale de su 7 de su mese de Ghennàrgiu de su 1977, n.1 chi detèrminat sas "Normas subra s'organizatzione amministrativa de sa Regione Sarda e subra sas cumpetèntzias de sa Giunta, de sa Presidèntzia e de sos Assessorados regionales";
- BIDA sa Lege de su 23 de su mese de Nadale de su 1978, n.833 "Istituzione de su servìtziu sanitariu natzionale" e mestamente s'art. 32 chi disponet "*su Ministru de sa sanidade podet fàghere ordinàntzias immediatas e urgentes, pro cantu pertocat s'igiene e sa sanidade pùblica e de politzia veterinària, e bàlidas in totu su territòriu natzionale o in prus de una regione Italiana*", ma "*pro custas matessi matèrias podent èssere fatas dae sos presidentes de sas giuntas regionales e dae sos sindigos ordinàntzias immediatas e urgentes, e bàlidas pro cussa regione o pro cussos comunes*";



REGIONE AUTÒNOMA DE SARDIGNA
REGIONE AUTONOMA DELLA SARDEGNA

PRESIDÈNTZIA
PRESIDENZA

SU PRESIDENTE

- BIDAS sas Ordinàntzias de su Presidente de sa Regione Sardigna n.2 de su 24.02.2020, n.3 de su 27.02.2020, n.4 de su 08.03.2020 e n.5 de su 09.03.2020 e de sa Nota acraridora de su 10.3.2020;
- BIDU su decretu-lege de su 23 de su mese de Freàrgiu de su 2020, n.6 chi detèrminat *“Misuras urgentes pro cantu pertocat su cuntenimentu e sa gestione de s'emergèntzia de sa malàdia de su COVID-19”* publicadu in GU Sèrie Generale n.45 de su 23.02.2020, in vigèntzia a su 23.02.2020, e mestamente s'art.3 comma 2;
- BIDOS sos Decretos de su Presidente de su Consìgiu de sos Ministros de su 23 de su mese de Freàrgiu, de sa prima die de Martzu, de su 4 de su mese de Martzu, de s'8 de su mese de Martzu, de su 9 de su mese de Martzu e de s'11 de su mese de Martzu de su 2020;
- BIDA s'Ordinàntzia de su Capu de sa Protetzione Tzivile n.630 de su 3 de su mese de Freàrgiu de su 2020 chi detèrminat sos *“Primos interventos urgentes de protetzione tzivile pro cantu pertocat s'emergèntzia causada dae sas malàdias derivadas dae sos virus”* in ue est istadu asseguradu s'agiudu de sa Protetzione Tzivile a sas istruturas e a sos servìtzios de sa sanidade;
- BIDU su decretu de su Capu de su Dipartimentu de sa protetzione tzivile n.627 de su 27.02.2020, in ue su Presidente de sa Regione Sarda est istadu numenadu sugetu atuadore in cunforma a s'OCDPC n.630 de sa die 3 de su mese de Freàrgiu de su 2020;
- CUNSIDERADU chi, in cunforma a s'articulu 37 de sa L.R. 8/2016, s'Agèntzia forestale de sa regione pro s'isvilupu de su territòriu e de s'ambiente de sa Sardigna (Forestas) cuncurret a s'atuatzione in totu su territòriu regionale de sas atividades de protetzione tzivile comente istrutura operativa regionale;
- VALUTADA s'urgèntzia de assicurare su suportu de sas istruturas operativas regionales de su Sistema de Protetzione Tzivile pro s'atuatzione de sos interventos chi pertocant s'isparghidura de custa malàdia de su COVID-19 istabilidos fintzas cun sas Ordinàntzias de su Capu de sa Protetzione Tzivile e de su Presidente de sa Regione Sardigna;



REGIONE AUTÒNOMA DE SARDIGNA
REGIONE AUTONOMA DELLA SARDEGNA

PRESIDÈNTZIA
PRESIDENZA

òrdinat

Art. 1) S'Agentzia forestale regionale pro s'isvilupu de su territòriu e de s'ambiente de sa Sardigna (Forestas) garantit, cun òmines e mezos, su suportu a sa protetzione tzivile pro parare fronte a custa emergèntzia de su COVID-2019 in totu su territòriu de sa Sardigna, in cunforma a sas diretivas postas in su Decretu de su Capu de su Dipartimentu de sa Protetzione Tzivile n.627 de su 27 de Freàrgiu de su 2020, o su delegadu sou.

Custa ordinàntzia est efcatze a manera immediata e benit publicada in su giassu internet de sa Regione. Sa publicatzione at valore de notìfica, pro tutu sos efetos de sa lege, in sos cunfrontos de totu sos sugetos interessados.

Custa ordinàntzia benit mandada a su Presidente de su Consighiu de sos Ministros, a su Ministru de su Saludu, a sos Prefetos de sos Ufìtzios Territoriales de sa Sardigna, a sos Assessoros Regionales, a sos amministradores de sas provìntzias Sardas, a su Sindigu de Casteddu e a totu sos Sindigos de sas Comunas de sa Sardigna, a sas autoridades chi gestint sos portos e sos aeroportos e a totu sos sugetos chi sunt interessados.

Contra a custa ordinàntzia est ammissu su ricursu giurisditzionale in antis a su Tribunale Amministrativu Regionale intre de 60 dies a pustis de sa comunicatzione, o su ricursu istraordinàriu a su Capu de s'Istadu intre de 120 dies.

Christian Solinas



CHRISTIAN SOLINAS
REGIONE AUTÒNOMA DE
SA SARDIGNA - SISTEMA
REGIONE 13.03.2020
19:48:48 UTC